

ԱՊՐԵՍԶ ԼՈՒՍՃՈՂԿՈՄԱՑԻ

ՏԱՐՐԱՆԵՆ ՅԵՎ ՄԻՋՆԱԵՐԳ ԴՊՐՈՑՆԵՐԻ ՎԵՐՁՈՒԹՅՈՒՆ

Առմ.

3-3950

ОБЩЕОБЩНЫЙ
ЭНЦИКЛОПЕДИЯ

ԴՊՐՈՑՈՒՄ ԱՇԽԱՏԱՆՔԸ
ՊԼԱՆԱՎՈՐԵԼՈՒ ՄԱՍԻՆ

ԿՈՅ, № 14188

371:2

Դ-92

ՀՐԱՏԱՐԱԿՈՒԹՅՈՒՆ ԱՊՐԵՍԶ ԼՈՒՍՃՈՂԿՈՄԱՑԻ

ԲԱԳՈՒ — 1940

47.920

71.2

4 APR 2013

2802-10

7-32

ՀԱՅԱՍՏԱՆԻ
ՅԻՅԵՄՈՂԱՐ

ԴՊՐՈՑՈՒՄ ԱՇԽԱՏԱՆՔԸ ՊԼԱՆԱՎՈՐԵԼՈՒ ՄԱՍԻՆ

Սովորողների ուսուցման և դաստիարակման գործում դպրոցի առաջ դրված պատասխանատու խնդիրները դպրոցի ղեկավարից (վարիչից) և ուսուցիչներից պահանջում են ուսումնա-դաստիարակչական աշխատանքի կազմակերպման բացառիկ պարզորոշություն:

Դրան նպաստում է դպրոցական աշխատանքի ձիշտ պլանավորումը:

«Պլանով աշխատել—նշանակում է իմանալ, թե ինչ պետք է անել և ինչ նպատակի համար» (Համի(ք)ի XVIII կուսհամագումարում ընկ. Մոլոտովի արած զեկուցումից):

Դպրոցի ամբողջ աշխատանքի պլանավորումը հնարավորություն է տալիս սահմանելու ուսումնա-դաստիարակչական գործի լավացման կոնկրետ միջոցառումներ և ապահովում է միասնական նպատակաւաւացություն ամբողջ ուսուցչական կոլեկտիվի աշխատանքում:

Ուսուցչի աշխատանքի պլանավորումն ուղնում է ծրագրի ուսումնական նյութը ժամանակին ուսումնասիրելուն և, լավացնելով ուսուցչի նախապատրաստությունը դասին, ոժանդակում է դասի վորակի ու սովորողների առաջադիմության բարձրացմանը:

Պլանավորման գործունությունը ձեռք է բերվում հիմնական միջոցառումների ընտրությամբ, դրանց բովանդակության կոնկրետությամբ և դրանց ժամանակին կատարումով:

Ղեկավարվելով այս դրույթներով, դպրոցի յուրաքանչյուր ղեկավարը (վարիչը) պետք է ամբողջ լրջությամբ վերաբերվի դպրոցական աշխատանքի պլանավորմանը:

Յուրաքանչյուր դպրոցում պետք է լինեն հետևյալ պլանները.

1. Դպրոցի աշխատանքի պլանը (վորը և ղեկավարի (վարիչի) աշխատանքի պլանն է):

2. Ուսուցիչների աշխատանքի պլանները. ա) որացուցցային պլանը և բ) դասի թեմատիկական պլանը:

1549-92

Խմբագրեց՝ Ս. ՎԱՐԴԱՆՅԱՆ

Сдано в набор 20/XI 1939 г.
Подписано к печати 19/II 1940 г.
1¹/₄ печ. лист. 60.012 тип. знак.

Главлит 164. Заказ № 2952. Тираж 800.
Типография „Красный ку, улице ного пионера, 84.



1. ԴՊՐՈՑԻ ԱՇԽԱՏԱՆՔԻ ՊԼԱՆԸ

Դպրոցի աշխատանքի պլանը կազմված է յերկու մասից. ա) դպրոցի՝ նոր ուսումնական տարվա նախապատրաստության պլան,

բ) ուսումնա-դաստիարակչական պլան:

Այս և այն դեպքում պլաններին նախորդում է փոքրիկ ներածական, փորձեղ ցույց են տրվում դպրոցի հիմնական խնդիրները, յեղենվում նրա նախորդ աշխատանքից:

Դպրոցական պլանի առաջին մասը կազմվում է չորրորդ քառորդի սկզբում:

Դպրոցական պլանի յերկրորդ մասը կազմվում է ըստ կիսամյակների. 1-ին կիսամյակի համար (մինչև ձմեռային արձակուրդները) ոգոստոսի 20-ից վոչ ուշ, 2-րդ կիսամյակի համար (հունվարից մինչև ուսումնական տարվա վերջը) հունվարի 5-ից վոչ ուշ:

Դպրոցի աշխատանքի պլանը կազմվում է հետևյալ ձևով:

Պլանի կազմիչը	Աշխատանքի բաժինները	Աշխատանքի կոնկրետ բովանդակությունը	Կատարման ժամկետը	Պատասխանատու կատարողները	Նշումներ կատարման մասին

Այս ձևը պարտադրում է պլանը կազմողներին, վոր պլանը լինի հակիրճ, կոնկրետ, կենսական և վերահսկման համար հեշտ:

Դպրոցի աշխատանքի պլանը կազմելու համար պատասխանատու յե դպրոցի գերեկտորը (վարիչը): Պլանի առանձին մասերը կազմելուն մասնակից են արվում ուսուցիչները և դպրոցի այլ աշխատակիցներ:

Դպրոցի աշխատանքի համար կազմված պլանը քննարկվում է հաստատվում է մանկավարժական խորհրդում (յեր քից վոչ պահան ուսուցիչներ ունեցող տարրական դպրոցում—մանկավարժական խորհրդակցությունում) և հաստատվում է նրա կողմից:

Հաստատված պլանի կատարումը սխտեմատիկաբար ստուգվում է դպրոցի վարչություն և դպրոցական տեսուչների կողմից:

Ս. Նոր ուսումնական տարվա համար դպրոցի նախապատրաստության պլանի հիմնական բովանդակությունը

Այս պլանում նախատեսվում են նոր ուսումնական տարվա համար դպրոցի ամենայալ նախապատրաստությունն ապահովող միջոցառումները, այսինքն՝

1) Ամառային աշխատանքը յերեսնամյակի հետ:

2) Պարտուսի ապահովումը:

3) Դպրոցը կադրերով ապահովելը:

4) Դպրոցական շենքի նախապատրաստությունը:

5) Դպրոցն ուսումնական ձեռնարկներով և տնտեսական պարագաներով կահավորելը:

Ամառային աշխատանքը յերեսնամյակի հետ նախատեսվում է պլանում հետևյալ միջոցառումներով. — աշխատանք մերձդպրոցական հրապարակում, պիտնե ական ձամբարում, աշխատանք աշտանային վերաքննություն ունեցող աշակերտների հետ: Յեթե դպրոցն ունի գյուղատնտեսական ուսումնական հողամաս, պլանում նշվում են այդ հողամասում կատարվելիք աշխատանքի հետ ևս կապված միջոցառումներ:

Բոլոր նշված հարցերից արտակարգ նշանակություն ունի աշտանային վերաքննություն ունեցող աշակերտներին կազմակերպված ոգնություն ցույց տալու խնդիրը: Այդ աշխատանքին պետք է նայել վորպես յերկրորդ տարեցիության դեմ պայքարելու կարևորագույն միջոցառումներից մեկի վրա:

Ուսումնական տարին կազմակերպ սկսելը կախված է ուսուցչական կադրերի ժամանակին ընտելուց և տեղաբաշխումից: Դրա համար «կադրեր» բաժինը պլանավորելով անհրաժեշտ է նախորդ ամրացնել դասարանը կամ առարկան ուսուցիչներին, վոր պետքի յուրաքանչյուր ուսուցիչ ամառվա ընթացքում կարողանա լավ նախապատրաստվել նոր ուսումնական տարվա համար: Դրա հետ միաժամանակ անհրաժեշտ է միջոցներ ձեռնարկել օրգիզմը բարձր պիջոցով անհրաժեշտ դասատուներ հավաքագրելու համար:

Անհրաժեշտ է առանձնակի ուշադրություն դարձնել պարտուսի հծով տարվող աշխատանքի պլանավորմանը, հատկապես աղջիկներին ուսումով ընդգրկելուն:

Յեղենվող դպրոցի աշխատանքի կոնկրետ պայմաններից, պարտուսի պլանում նշվում են հետևյալ միջոցառումները. ա) դպրոցում սովորելու յենթակա աշակերտների հաշվառման անցացում (ինչպես, յերբ և ում միջոցով է հաշվառքն անցկացվելու),

բ) աշխատանքը աշակերտների ծնողներին հետ (կոտնտեսություն, գյուղխորհրդի, շրջ(քաղ) խորհրդի հետ և այլն)— ուսման առաջին որը սովորողների լիովին ներկայությունն ապահովելու նպատակով (ծնողական ժողովներ, ծնողներին ծանուցելը և այլն), գ) դպրոցական պարապմունքների նորմալ ընթացքն ապահովող միջոցառումներ (ոգնել ծնողներին դասագրքեր ու տետրակներ գնելու, կազմակերպել յերեխաներին դպրոց փոխադրելը, դպրոցից հեռու ապրող յերեխաների համար հանրակացարանի և ինտերնատի կազմակերպումը և այլն):

Նոր ուսումնական տարում ուսումնական պարապմունքների նորմալ ընթացքը սերտորեն կապված է դպրոցական շենքը ժամանակին ձմեռվան պատրաստելուց և դպրոցը ժամանակին ուսումնական ձեռնարկներով ու տնտեսական ինվենտարով ապահովելուց:

Այդ նպատակների համար անհրաժեշտ է պլանի մեջ նախատեսել վերանորոգման աշխատանքները, վառելիքի պատրաստությունը, ուսումնական-գիտողական պարագաների, ուսումնական և տնտեսական կահավորման նորոգումը և ձեռք բերումը:

Վոչ լրիվ ու լրիվ միջնակարգ դպրոցներում, ուսումնական և տնտեսական կահավորման թվարկման փոխարեն պլանում նշվում է այդ կահավորումը ձեռք բերելու միմիայն գումարը (ուսումնական կահավորման գծով գումարը ցույց է տրվում ըստ յուրաքանչյուր առարկայի՝ առանձին), իսկ զրա ցուցակը տրվում է վորպես պլանի հավելված:

Բ. Ուսումնա-դաստիարակական աշխատանքի պլանի հիմնական բովանդակությունը

Ուսումնա-դաստիարակական աշխատանքի պլանում պետք է արտացոլվեն հետևյալ խնդիրները.

1. Ուսումնա-դաստիարակական աշխատանքի կազմակերպումը.

2. Դպրոցի ղեկավարումը:

3. Աշխատանքն ուսուցչի հետ:

4. Պիոներական և աշակերտական կազմակերպությունները աշխատանքը:

5. Արտադասարանային աշխատանքը:

6. Արտադպրոցական աշխատանքը:

7. Դպրոցի կապը ծնողների հետ:

8. Մանկտարական-առողջարարական աշխատանքը:

9. Կազմակերպական-տնտեսական աշխատանքը:

Այս բաժինները պլանավորելիս անհրաժեշտ է նշել ամենահիմնական հարցերը և դրանք մաքսիմալ չափով կոնկրետացնել:

Պլանի առաջին խնդրի վերաբերյալ անհրաժեշտ է գործադրել մի շարք միջոցառումներ՝ ուսումնա-դաստիարակական աշխատանքը ճիշտ կազմակերպելն ապահովելու նպատակով. այսինքն՝ կոնկրետ միջոցառումներ առանձին ուսումնական առարկաների դասավանդումը բարելավելու բնագավառում. միջոցառումներ աշակերտների կոմունիստական դաստիարակություն և կարգապահության ամրապնդման համար. միջոցառումներ գարնանային քննություններին նախապատրաստվելու համար (յերկրորդ կիսամյակի պլանում): Որինակ՝ ուսուցիչ լեզվից 5-րդ դասարանի աշակերտները նախընթաց տարվա նյութը թերի յեն յուրացրել. հետևաբար անհրաժեշտ է պլանի մեջ նշել (իսկ աշխատանքի ընթացքում հետևել) այնպիսի միջոցառումներ, ինչպես նախընթաց տարիներին անցած նյութի սիստեմատիկ կրկնողություն, անհատական առաջադրանքներ, կոնսուլտացիաներ և այլն:

Պլանի մեջ նման միջոցառումներ նշվում են այդ բաժնի նաև մյուս առարկաների ու հարցերի նկատմամբ:

«Դպրոցի ղեկավարումը» բաժնում առաջին հերթին անհրաժեշտ է նշել մանկավարժական խորհրդի (տարրական դպրոցում յերեքից վոչ պակաս ուսուցիչ լինելու դեպքում—մանկավարժական խորհրդակցություն) աշխատանքի և ուսուցչի աշխատանքը վերահսկելու կոնկրետ հարցերը:

Մանկավարժական խորհրդի (խորհրդակցություն) աշխատանքի պլանում անհրաժեշտ է առանձնակի ուշադրություն դարձնել մանկավարժական փորձի փոխանակությունը:

Առանձին մանկավարժական խնդիրներ ավելի խորն ուսումնասիրելու նպատակով դրանք նախորդ կարող են քննարկվել ուսուցիչների մեթոդ-միավորումների նիստերում, վորից հետո զրվում են մանկավարժական խորհրդի (խորհրդակցություն) քննարկման. այստեղ տվյալ խնդրի առթիվ համապատասխան վորոշում է ընդունվում:

Ուսուցիչների աշխատանքը վերահսկելու գործում պլանի մեջ նախատեսվում են մանկավարժական խորհրդում (խորհրդակցությունում) ուսուցիչների հաշվետվությունների ժամկետները, դպրոցի գիրեկտորի (վարիչի) և ուսումնական մասի վարիչի կողմից դասերին հաճախելը և այլն:

Ուսուցչի հետ տարվող աշխատանքի վերաբերյալ միջոցառումներ պլանավորելիս պետք է նշել մեթոդական աշխատանքի, սոցիալիստական մրցույթյան (ուժ հետ պետք է դպրոցը մրցի, հաշվառման ժամանակը և ձևը), ուսուցիչներին քաղաքական մասկարգակի ու նրանց մանկավարժական վորակավորման բարձրացման (ուսուցիչներին գրականությամբ առահողելը, ոգնություն հեռակայողներին և այլն) և դասղեկների հետ աշխատանք տանելու (վոչ լրիվ և լրիվ միջնակարգ դպրոցներում) կոնկրետ հարցերը:

Դասղեկների աշխատանքի վրա անհրաժեշտ է մեծ ուշադրություն դարձնել, քանի վոր նրանց ճիշտ ղեկավարելուց են մեծ չափով կախված աշակերտների առաջադիմությունը և վարքը, նույնպես դպրոցի կարգապահությունը:

Մեթոդական աշխատանքի գծով, թեմատիկայից ու առարկայական հանձնաժողովներ (միջնակարգ դպրոցում) և ուսուցիչներին դասարանական մեթոդիկավորումների (տարրական դպրոցում յերեքից վոչ պակաս ուսուցիչ լինելու դեպքում յուրաքանչյուր դասարանի համար) աշխատանքի ժամկետներից բացի, պլանում նախատեսվում են կոնսուլտացիաներ, բաց դասերի կազմակերպում, փոխադարձաբար դպրոցների հաճախում, մանկավարժական կարիներտների հաճախում և այլն:

Պիտներական և աշակերտական կազմակերպությունների աշխատանքի հարցերի գծով պլանում նախատեսվում են միջոցառումներ աշակերտների քաղաքական դաստիարակության ուղղությամբ (ընթերցումներ, զրույցներ և այլն), պիտներական և աշակերտական կազմակերպությունների աշխատանքի բովանդակության հիմնական հարցեր, միջոցառումներ սոցմրցման ուղղությամբ և աշակերտների հասարակական աշխատանքի տեսակներ:

I—IV դասարանների աշակերտների հետ տարվելիք աշխատանքի միջոցառումները նշելով, դպրոցը պետք է խիստ կերպով առաջնորդի «Հասարակական-քաղաքական առաջադրանքներով դպրոցականների և պիտներների ծանրաբեռնվածության մասին» Համկ(բ) Կենտկոմի 1934 թ. ապրիլի 20-ի վորոշումով:

Այս բաժինը պլանավորելիս դպրոցի առաջ խնդիր է դրվում բարելավել աշակերտների քաղաքական դաստիարակության դըրվածքը և կազմակերպել համախմբված մանկական կոլեկտիվ վորպես դպրոցի հաջող աշխատանքի կարևորագույն պայմաններից մեկը:

Աշակերտների հետ արտադպրոցական և արտադասարանային

աշխատանքի ճիշտ կազմակերպումը դաստիարակչական և կըթական մեծ նշանակություն ունի:

Այդ նպատակով անհրաժեշտ է ամենալուրջ ուշադրությունը դարձնել այդ աշխատանքի կազմակերպման վրա և պլանում նախատեսել՝

ա) արտադասարանային աշխատանքի գծով՝ հանրակըթական (V—X դասարաններում), դեղարվեստական, Ֆիզկուլտուրային և այլ խմբակներ կազմակերպում, աշակերտների արտադասարանային ընթերցանության (գրադարանի աշխատանք) կազմակերպում, պաշտպանական աշխատանքի հիմնական միջոցառումներ, հակաերոնական դաստիարակության համար տարվող աշխատանքի ձևերն ու բովանդակությունը, ինտերնացիոնալ դաստիարակության աշխատանքը, հեղափոխական տոների անցկացման միջոցառումներ, պատի թերթեր լույս ընծայելու աշխատանքը և այլն:

բ) արտադպրոցական աշխատանքի գծով՝ կինոյի, ակումբների, գրադարանի ոգտագործման վերաբերյալ միջոցառումներ, ինչպես ուսման ժամանակ, այնպես և արձակուրդների ընթացքում:

Դպրոցի ուսումնա-դաստիարակչական աշխատանքի բարձր վորակի համար մղվող պայքարում կարևորագույն դեր է խաղում դպրոցի և ընտանիքի ճշգրիտ փոխադարձ կապը: Դրա համար յուրաքանչյուր դպրոց պետք է հատուկ ուշադրություն դարձնի ծնողների հետ ունեցած կապին, պլանում նախատեսելով ծնողական ժողովներ անցկացնելու թեմատիկան և ժամկետները, աշխատանքը ծնողական կոմիտեյի և ծնողական ակտիվի հետ, մանկավարժական պրոպագանդայի հարցերը (կոնսուլտացիաներ, դասախոսություններ դպրոցում, կոլտնտեսությունում և այլն):

«Դպրոցի սանիտարական-առողջարարական աշխատանքը» բաժնի գծով պլանում նշվում են այնպիսի միջոցառումներ, ինչպես բժշկի պրոֆիլակտիկ ու սան-առողջարարական աշխատանքը (աշակերտների բժշկական քննություններ, նախապահպանողական սրսկումներ և այլն), դպրոցական շենքի սանիտարական խնամքի ապահովումը:

Դպրոցի տնտեսական-կազմակերպչական աշխատանքի հարցերի վերաբերմամբ պլանում նշվում են դպրոցի գրադարանի ընթացիկ համալրումը ուսումնական-գիտողական պիտույքներով ու գրքերով, կաբիներների լրիվ կահավորումը (միջնակարգ դպրոցում), դպրոցական ինվինտարի և դպրոցական շենքի ընթացիկ վերա-

նորոգման միջոցառումներ, դպրոցական գույքի ինվենտարիզացիա (ժամկետները) և այլն:

Այս ձևով և պատկերաձևում դպրոցի աշխատանքի պլանի սխեման: Կոնկրետացնելով այն, դպրոցը կունենա աշխատանքի ոպերատիվ պլան, վորը կոգնի դպրոցի դիրեկտորին (վարիչին) դպրոցը ղեկավարելու խնդրում:

Առաջին կիսամյակի համար դպրոցի ուսումնական-դաստիարակչական պլանը կազմվում հետ միաժամանակ կազմվում են մի շարք դոկումենտներ, վորոնք անհրաժեշտ են դպրոցին դպրոցական պարապմունքների հենց առաջին օրից սկսած: Այդ դոկումենտները հետևյալներն են. ա) դպրոցի դասացուցակը, բ) աշակերտների հետ տարվելիք արտադասարանային-արտադպրոցական աշխատանքի ցուցակը, գ) աշակերտների վարքի կանոնները, դ) դպրոցի աշխատողների ներքին կարգ ու կանոնները և յե) դպրոցում ուսուցիչների հերթապահության ցուցակը:

Աշխատանքի պլանի կատարումը, առանձնապես ուսուցիչներին աշխատանքը վերահսկելու նպատակով նպատակահարմար է, վորպեսզի դպրոցի դիրեկտորը (վարիչը) և ուսումնական մասի վարիչը որատեսորեր պահեն: Այդ որատեսորերում նշվում են օրվա կոնկրետ միջոցառումները և դրանց կատարումը: Նպատակահարմար է, վորպեսզի այդպիսի որատեսորեր պահեն նաև ուսուցիչները, դասդեկներն ու գրադարանի աշխատողները. այդտեղ գրի յեն առնվում օրվա այն միջոցառումները, վոր պլտի անցկացվեն աշակերտների հետ, բացի ուսումնական աշխատանքից (ժողովներ, դրույցներ առանձին աշակերտների հետ, խմբակային աշխատանքներ և այլն):

2. ՈՒՍՈՒՑՁԻ ԱՇԽԱՏԱՆԳԻ ՊԼԱՆԱՎՈՐՈՒՄԸ

Ուսումնական-դաստիարակչական աշխատանքի հաջողությունը ամենից առաջ կախված է հենց ուսուցչից, դասավանդելու նրա կարողությունից, դասի բարձր վորակից:

«Դասի ժամանակ աշակերտը պետք է հասկանա նյութը: Դաից նա պետք է դուրս գա գիտելիքների վորոշակի պաշարով: Յեթե դասը լավ չե դրված, տանն աշակերտի աշխատանքը արդունավետ լինել չի կարող:

Այստեղից բխում են ուսուցչի պարտականությունները դասի ժամանակ.— առարկան իմանալու խորությունն ու լրջությունը, նյութը հրամցնելու, այդ նյութի նկատմամբ դպրոցականի մեջ հետաքրքրություն և ճաշակ առաջացնելու կարողությունը:

Դասը ուսուցչի աշխատանքում պետք է լինի ամենաստեղծագործական մոմենտը: («Պրավդա»-ի 1938 թ. նոյեմբերի 20-ի առաջնորդողից):

Այդ հատկություններով են բնութագրվում գերազանցիկ ուսուցիչների դասերը. նույնպիսի արդյունքների կարող է հասնել յուրաքանչյուր ուսուցիչ, պայմանով, յեթե նա ամենաբարեխիղճ վերաբերմունք է ցույց տալիս դասին նախապատրաստվելուն:

Պլանավորումը դասի նախապատրաստության կարևորագույն մոմենտներից մեկն է:

Ուսուցչի աշխատանքի պլանավորումը կատարվում է պետական ծրագրերի, մասնագիտական և մեթոդական գրականության սխտեմատիկ ուսումնասիրության ընթացքում՝ ինչպես ամբողջ ծրագրային նյութի, նույնպես և տվյալ դասի համար:

Ուսումնական նյութի խորը և կանխավ յուրացումը ուսուցչի կողմից, մեթոդական պրիմներին նախապատրաստումը, ուսումնական կահավորության ժամանակին պատրաստելն ուսումնական աշխատանքի ճիշտ պլանավորման անհրաժեշտ նախադրյալներն են հանդիսանում:

Ինչպես նշվեց վերևում, ուսումնական աշխատանքի նախապատրաստման և դրա պլանավորման հետևանքով յուրաքանչյուր ուսուցիչ պետք է ունենա՝ 1) որացույցային պլան և 2) դասի թեմատիկական պլան:

Ա. Որացույցային պլան

Որացույցային պլանը պատասխանատու փաստաթուղթ է, քանի վոր նա ոգնում է ծրագրային նյութը խիստ սխտեմով և ճիշտ սահմանված ժամկետներում ուսումնասիրելուն: Դրա համար վերջինի առկայությունը յուրաքանչյուր ուսուցչի մոտ պետք է պարտադիր համարել:

Որացույցային պլանը կազմվում է քառօրյի համար, յուրաքանչյուր առարկայի գծով առանձին-առանձին: Այդտեղ ցույց են տրվում ծրագրի բաժինները (թեմաները) և յենթաբաժինները (յենթաթեմաները) դրանց հետևողական ուսումնասիրման կարգով, վորոշվում է յուրաքանչյուր յենթաբաժնի ուսումնասիրման համար անհրաժեշտ ուսումնական ժամերի (դասերի) քանակը և սահմանվում են բաժնի (թեմայի) ուսումնասիրման որացույցային ժամկետները: Որացույցային պլանում նշվում են եքսկուրսիաների թեմատիկան ու ժամկետները, մայրենի լեզվի, գրականության և մաթեմատիկայի նկատմամբ նշվում են ստուգողական

զբաւոր աշխատանքների թեմատիկան ու զբանք կատարելու
ժամկետները:

Ծրագրի յուրաքանչյուր բաժնի ուսումնասիրութիւնից հետո որացուցեալին պլանում նշվում է կատարման մասին:

Որացույցային պլանը սլատկերացվում է մոտավորապես հետևյալ կերպ.

Թվաբանութիւն

IV դասարան

Քառորդ	Ծրագրի բաժիններ (Թեմաներ), յենթաբաժիններ (յենթաթեմաներ)	Ժամերի միակույր	Ծրագրի բաժիններ (թեմաների) ռառմանարման որացույցային ժամկետները	Դիտողու- թյուն կատարման մասին
III	Թվերի բաժանելիությունը . .	20	} 13 / I — 29 / I 31 / I 1 / II	
	1. Բաժանելիության նշանները	8		
	2. Ամենամեծ ընդհանուր բա- ժանարարը	5		
	3. Ամենափոքր բազմապատիկը	5		
	4. Մոուդուլական աշխատանք ամբողջ բաժնից	1		
	5. Աշակերտների ուսուցողական աշխատանքներում յեղած սխալների վերլուծում . . .	1		

Որացույցային քառորդային պլաններ կազմելիս անհրաժեշտ է յեւնել ՄըրեՍՀ Լուսժողմումաւի հաստատած տարեկան (կիսամյակային) ծրագրից:

Մի շարք ծրագրերում ցուցումներ են տրված ուսումնական նյութի ժամաքաշխման մասին: Որացուցցային պլանները կազմելն այդ ցուցումներով պիտի առաջնորդվել վերպես որինակելի: Հաշվի առնելով տվյալ դասարանի աշխատանքի առանձնահատուկ կողմերը (աշակերտների պատրաստության աստիճանը, նախորդ աշխատանքի թերությունները շտկելու նպատակով ծրագրի այս կամ այն բաժնի նկատմամբ պարամունքներն ուժեղացնելու անհրաժեշտությունը և այլն), ուսուցիչը կարող է այս կամ այն փոփոխությունը մտցնել նյութի որինակելի ժամաքաշխման մեջ, վորը տրված է Լուսժողկոմատի ծրագրերում, սակայն դա չպետք է փաստ ուսումնական նյութը լիովին և վերականգնող ուսումնասիրելուն:

Ծրագրի կատարումը և գիտելիքների ամբողջյունը ուսուցիչը պետք է ապահովի ըստ պայմաններում:

Որացուցային պլանը կազմելիս անհրաժեշտ է հատուկ ուշադրություն դարձնել, վերաբերյալ յուրաքանչյուր ուսումնական քառորդում լրիվ չափով ապահովվի անցած նյութի հիմնովին կրկնողությունը:

Առաջին քառորդի որացույցային պլանը ներկայացվում է
Դպրոցի ղեկավարին (վարչին) ոգոստոսի 25-ից վոչ ուշ, յերկ-
րորդ քառորդի համար՝ նոյեմբերի 5-ից վոչ ուշ, յերրորդ
քառորդի համար՝ հունվարի 5-ից վոչ ուշ և չորրորդ քառորդի
համար՝ ապրիլի 1-ից վոչ ուշ:

Դպրոցի ղեկեկտորը (վարիչը) ստանալով որացույցային պլանները, պարտավոր է յուրաքանչյուր ուսուցչի և ուսմասվարի (վոչլրիվ և լրիվ միջնակարգ դպրոցներում) ներկայությամբ մանրաժամանակ դրանք, անհրաժեշտ ուղղումներ մտցնել դրանց մեջ և հաստատել: Հաստատված որացույցային պլանի մի որինակը պետք է լինի դաստավի մոտ:

Ուսուցիչը դարձրեց զերեկաորի (վարիչի) գիտությունը, անհրաժեշտ դեպքում (ուսուցչի հիվանդությունն և այլն) կարող և որպես լեզային պլանում այս կամ այն փոփոխությունը մտցնել:

Բ. Դասի թեմատիկական պլանը

Կազմելով քառորդի համար աշխատանքի որացուցցային պլանը, դասատունը կազմում է դասերի կոնկրետ պլան առկա քառորդի ծրագրի ամբողջ առաջին թիմային վերաբերյալ:

Հետագայում դասերի պլանները կազմվում են այսպես.—հերթական թիման բաժանվում են առանձին դասերի, առաջին դասերը համար կազմվում են կոնկրետ պլաններ. այդ դասերի նյութի ուսումնասիրության համապատասխան, դասերի հետագա թիմա-նների բովանդակությունը կոնկրետացվում է այն հաշվով, վոր միշտ մեկ—յերկու դասի կոնկրետ պլանը նախորոք կազմված լինի:

Դասի կոնկրետ պլանը կազմակերպում են ուսուցիչները պետք է լինեն մտածել դասի բովանդակության վրա, ծանոթանա գրասգրեքի և ուրիշ ձեռնարկների նյութի հետ, մտածել դասի աշխատանքի համակարգի ձևերի վրա, պարզապես անհրաժեշտ դիտողական պարզա-
թյունների վրա, պարզապես անհրաժեշտ դիտողական պարզա-
թյունների վրա, պարզապես անհրաժեշտ դիտողական պարզա-
թյունների վրա, պարզապես անհրաժեշտ դիտողական պարզա-

թյուններ կատարելու համար նյութեր ընտրել, նշի այն աշակերտ-
ների ազգանունները, վորոնց գիտելիքներն ստուգվելու յեն դասի
ժամանակ և մտածի աշակերտներին տնային աշխատանք տալու
առաջադրությունները վրա:

Ուսուցչի կազմած պլանն այդ պայմաններում կողմի նրան
դասը համոզված, բովանդակալից անցկացնելու, յուրաքանչյուր
րոպեն առավելագույն չափով և սովորողների համար զգալի ար-
դյունքներով ոգտագործելով:

Դասի պլանում առաջ դրվում է դասի թեման. որինակ՝ «դե-
րոյով վերջացող յեռանիշ թվերի բաժանումը միանիշ թվի վրա»:
Թեմայի այսպիսի ձևակերպումը ճիշտ չէ, անորոշ է և մի
ժամկտ համար շատ: Յեվ, ընդհակառակը, դասի թեման այնպիսի
ձևակերպումով, ինչպես՝ «զերոյով վերջացող յեռանիշ թվերի
բաժանումը միանիշ թվի վրա, յերբ հարյուրավորները և տաս-
նյակները առանձին-առանձին բաժանվում են միանիշ թվի վրա»,
պարզ է և հասկանալի:

Պետք է խուսափել դիմադուրկ դասերից, վորոնց թեման ձե-
վակերպվում է մի բառով. «շարունակություն» կամ «կրկնողու-
թյուն»: Այսպիսի դասերը հաստատում են ուսուցչի՝ դասին ան-
պատրաստ լինելը և ուսումնական ժամերն ապարդյուն ծախսելու
պատճառներից մեկն են հանդիսանում:

Դասի թեման գրելուց հետո, ուսուցչիչը պլանում նշում է դասի
ընթացքը, համառոտ նկարագրելով աշխատանքի ձևերն ու բո-
վանդակությունը մեթոդական հետևողականությամբ: Որինակ. —
Թվաբանություն — հունվարի 25-ին:

Դասի թեման. — «Ծանոթացնել աշակերտներին բազմանիշ
թիվը յերկանիշ թվի վրա բաժանելու հետ»:

1. Տնային աշխատանքի ստուգում:

2. Նոր նյութի բացատրության համար նախապատրաստա-
կան վարժություններ. որինակների բանավոր լուծում (ամբողջի
վրա և մնացորդով) յերկանիշ և յեռանիշ թվի բաժանումը յեր-
կանիշ թվի վրա (80 : 16, 72 : 24, 45 : 12, 120 : 24, 155 : 26):

3. Բաժանման նոր դեպքի բացատրումն որինակների լուծու-
մով (912 : 24, 864 : 36, 4408 : 58, 6975 : 75, 8976 : 68):

4. Վարժություններ որինակների և բաժանման հենց նոր
բացատրված դեպքի վերաբերյալ մի խնդրի լուծումով (որինակ-
ներ խնդրադրքից №№ _____, խնդիր № _____):

5. Տնային աշխատանք. — լուծել վարժությունների յերկրորդ
սյունյակի №№ _____:

Մի որինակ ևս.

Կենդանաբանություն — VI դասարանում:

Բաժին — «Պարզակերպների տիպարներ»:

1-ին դաս.

Դասի թեման. — «Կանաչ եվգլենան, վորպես ծովամոմայինների
ներկայացուցիչ»:

1. Նախորդ դասի վերաբերյալ հարցումներ աշակերտներին
(կենդանիների դասակարգման հիմնական սխեմատիկ միավոր-
ները):

2. Պատմել «պարզակերպների» հայտնաբերումը Լեվենհուկի
կողմից (միկրոսկոպի դերը այդ հայտնաբերման գործում): «Պար-
զակերպների» դասերի բաժանումը:

3. Կանաչ եվգլենայի ուսումնասիրությունը աղյուսակով: Կա-
նաչ եվգլենայի տեսակային անվան պարզումը. եվգլենայի կա-
ռուցվածքը: Եվգլենայի նմանությունը միաբջիջ ջրիմուռի —
խրամիդոմնադի հետ և տարբերությունը: Եվգլենայի սնման
առանձնահատկությունները:

4. Յեղրակացություն. — Կանաչ եվգլենան նման է թե բույ-
սերին և թե կենդանիներին:

5. Միկրոսկոպի տակ դիտել կենդանի կամ նկարված կանաչ
եվգլենան: Նկարել տետրերում նրա կառուցվածքը:

6. Դասի վերաբերյալ ընդհանրացնող հարցեր:

7. Տնային աշխատանք. — կարդալ դասագրքից § 3 և § 6
(մինչև «բուսական ու կենդանական աշխարհի ազգակցական
կապը») և կարողանալ պատմել:

Պլանը կարող է ուսուցչի կողմից գրել առնվել ավելի մանրա-
մասն: Այսպես, բերված առաջին որինակից դասի ժամանակ
աշխատանքի յերրորդ մոմենտը կարելի յե գրել առնել հետևյալ
ձևով՝

Յեռանիշ թվի բաժանվելը յերկանիշ թվի վրա, յերկանիշ
քանորդով, յերբ հարյուրավորներն ու տասնավորները կազմում
են բաժանարարից մեծ թիվ.

$$912 : \frac{24}{38}$$

լուծել յերեխաների հետ հետևյալ որինակները.

$$864 : \frac{36}{24}, \quad 792 : \frac{22}{36}, \quad 6975 : \frac{75}{93}.$$

Լուծել 4408 : $\frac{58}{76}$ որինակը և բացատրել քառանիշ թվի բա-

ժանվելը յերկանիշ թվի վրա, յերբ հաղարավորները և հարյուրավորները կազմում են բաժանարարից փոքր թիվ և բաժանման ժամանակ պետք է լինում վերցնել յերեք կարգ:

Լուծել որինակներ.— հնգանիշ թվերի բաժանվելը յերկանիշ թվի վրա՝ յեռանիշ քանորդի դեպքում:

41424 : $\frac{48}{863}$

Յեզրակացություն.— Ինչպես բաժանել բազմանիշ թիվը յերկանիշ թվի վրա:

Դասի կոնսպեկտ կազմելը շատ ոգտակար է ծրագրի դժվար բաժիններն ուսումնասիրելիս և հատկապես սկսնակ ուսուցչի աշխատանքի առաջին շրջանում:

Դասերի կոնսպեկտ կազմելուն դիմում են և մանկավարժական գործի վարպետները: Բայց ամեն մի առանձին դեպքում դասի մանրամասն պլան կազմելը վորոշում է ինքն ուսուցչիչը առանց դպրոցի վարչության հատուկ պահանջների: Պարտադիր կերպով յուրաքանչյուր ուսուցչից պահանջվում է միայն դասի համառոտ պլանը:

Ինչպես յերևում է բերված որինակներից, դասի պլանը կազմվում է առանց վորոշ գրաֆաների և սյունյակների, համատարած գրության ձևով:

Դասի պլանի վերջում կարելի չէ գրել այն աշակերտների ազգանունները, վորոնց ուսուցչի մտադիր է հարցնելու դասի ընթացքում, նույնպես և նշումներ անել պլանով նշված աշխատանքի կատարման մասին:

Դասի կահավորման և աշխատանքի մեթոդների մասին պլանում առանձին չի նշվում, դրանք մտնում են դասի ընթացքի գրանցման ընդհանուր տեքստի մեջ:

Միաժամանակ յերկու դասարանի հետ պարապող ուսուցչիչը դասի պլանը կազմելով, պետք է ցույց տա միաժամանակ իր անմիջական աշխատանքը աշակերտների հետ և նրանց ինքնուրույն պարամունքները թե մեկ և թե մյուս դասարանում:

Սյուպիտի դասի պլանը կարելի չէ կազմել մոտավորապես հետևյալ ձևով:

I դասարան

Մայրենի լեզու

Դասի թեման.— Գրությամբ և արտասանությամբ տարբերվող բառերի ուղղագրությունը՝ բ—փ, գ—ք, դ—թ, ձ—ց, շ—ջ:

1. Ինքնուրույն արտագրություն գրատախտակից. բուրդ, փայտ, գյուղ, քաղաք, դանակ, թուղթ և այլն:

2. Աշակերտների ինքնուրույն աշխատանքի ստուգում. վանկերի հնչունական վերլուծություն:

Դրատախտակի վրա գրության և արտասանության համեմատություն.—

Յեզրակացություն.— մարդ—մարթ, վարդ—վարթ, արտասանվում է «թ», իսկ գրվում է «դ»:

Ընթերցում և տեքստի վերլուծություն, դասադիրք եջ—

Տան առաջադրանք—արտագրել տեքստը:

Դրատախտակից արտագրել կանոնը:

III դասարան

Թվաբանություն

Դասի թեման.— Ծանոթացնել մասերի հետ $\frac{1}{2}$, $\frac{1}{4}$, $\frac{1}{8}$ և գտնել մասը ամբողջ թվից:

1. Գծագրի և դիտողական պարագաների միջոցով ծանոթացնել մասերի առաջանալուն՝ $\frac{1}{2}$, $\frac{1}{4}$, $\frac{1}{8}$: Ծանոթացնել մասերի գրելու հետ: Ամբողջից մասեր գտնելու վերաբերյալ որինակների լուծում:

2. Ինքնուրույն դժագրել գրծեր և ուղղանկյուններ ու բաժանել դրանք յերկու, չորս և ութ մասերի: Գրել մասերը: Որինակների լուծում ամբողջից մաս գտնելու վերաբերյալ (ինչի յե հավասար կես մետրը, քառորդ մետրը և այլն):

3. Աշակերտների ինքնուրույն աշխատանքի ստուգում:

Տան առաջադրանք.— լուծել որինակներ և խնդիրներ № _____:

Միաժամանակ յերկու դասարանի հետ աշխատելիս ոգտակար է մոտավորապես նշել ժամանակը աշխատանքի յուրաքանչյուր ետապի նկատ ամբ:

Դասին պատրաստվելով, ուսուցչիչը պետք է հիշի, վոր ուսուցման պրոցեսը միաժամա ակ հանդիսանում է և աշակերտների դաստիարակության պրոցեսը: Այդ պետք է արտացոլվի և դասերի պլաններում:

Այսպես, որինակ.— Աշխարհաբուրթյան դասի պլանը IV դասարանում «Դնեպրոգես» թեմայով կարող է պատկերացվել հետևյալ կերպ:

1. Հարցումներ աշակերտներին:

2. Դասատուն պատմում է Դնեպրի սահանքների և Դնեպրոգեսի կառուցման մասին: (Պատմելիս բերել ցայտուն որինակներ առաջացած դժվարությունների հաղթահարման վերաբերյալ Դնեպրոգեսի կառուցման ընթացքում: Յուրյ տալ շինարարության հերոսներին, բացատրել Դնեպրոգեսի կառուցման նշանակությունը սոցիալիստական տնտեսության համար և այլն):

Քարտեզի և նկարի վրա ցույց տալ, թե վորտեղ է կառուցված Դնեպրոգեսը:

3. Կարճալ Մարշալի բանաստեղծությունը «Պատերազմ Դնեպրի դեմ»:

4. Յեղրափակիչ դրույց, թե ինչպես կոմունիստական կուսակցության և աշխատավորության առաջնորդ ընկեր Ստալինի ղեկավարությամբ հաղթահարվում և վերափոխվում է բնությունը՝ սոցիալիստական հայրենիքի ոգով:

5. Տան առաջադրանք.—պատրաստել դասադրքից «Դնեպրոգես» հոդվածի շարադրությունը:

Այսպիսով դաստիարակչական աշխատանքը, վոր ուսուցիչը կատարում է դասի ընթացքում, նախատեսվում է դասերի ընդհանուր պլանում, դրանց բովանդակության բացահայտման կապակցությամբ:

Դասերի պլանները կազմելու համար ուսուցիչը պետք է ունենա առանձին տետր: Այդ տետրերում դասերի պլանները գրացվում են ըստ դասարանական պարապմունքների ցուցակի: Դասի ժամանակ պլանը պետք է լինի ուսուցչի ձեռքում:


Դպրոցի դիրեկտորը (վարիչը) և ուսումնական մասի վարիչը պետք է սխտեմատիկաբար ստուգեն ուսուցիչների պլանները, իսկ վոր գլխավորն է, ստուգեն, թե ինչպես են դրանք պրակտիկայում կիրառվում, և այդ կապակցությամբ ողնեն ուսուցիչներին նրանց աշխատանքում:

Անկախ դասերի պլանները կազմելուց, ուսուցիչները պարտավոր են ամեն որ, յուրաքանչյուր դասից հետո դասամատյանում համառոտակի դրանցել անցած նյութը և տնային առաջադրությունները:

Յուրաքանչյուր քառորդի վերջում ուսուցիչները հաշվետու ղեկուցումներ են անում մանկավարժական խորհրդին (խորհրդակցությունը)—քառորդի համար սահմանված ուսումնական նյութի կատարման մասին:

Մանկավարժական խորհուրդը (խորհրդակցությունը) ուսուցիչներին հաշվետվություններ հիման վրա վորոշում է ընդունում, վորտեղ նշում է յուրաքանչյուր ուսուցչի աշխատանքի մեջ յեղած նվաճումներն ու թերությունները և միջոցառումներ և նախագծում ուսումնա-դաստիարակչական աշխատանքի հետագա լավացման համար:

ԱդրիՍՀ Լուսժողկոմատի տարրական և միջնակարգ դպրոցների վարչության պետի տեղակալ՝ Գ. ՄԱՄՆԴՈՎ



«Ազգային գրադարան»



NL0228332

47.920

3358-

Арм.
3-3950

Управление Начальных и Средних Школ НКП АзССР

О ПЛАНИРОВАНИИ РАБОТЫ В ШКОЛЕ

Издание Наркомпроса АзССР
Баку—1940